

Buletin Unit Landskap, Kolej Komuniti Mas Gading, Sarawak.

LOBUH CIPTA

Pemacu TVET Komuniti Setempat



Sesi Jun 2020
Bil 1. 2020





Kata Aluan

Assalamualaikum dan salam sejahtera kepada semua warga Sarawak amnya dan Kolej Komuniti Mas Gading (KKMG) khususnya.

Buat julung kalinya, Program Landskap Kolej Komuniti Mas Gading, Bau, Sarawak mengeluarkan berita-berita perkembangan yang telah dijalankan sepanjang semester. Perkembangan berita semasa ini bakal dikeluarkan pada setiap semester bermula pada sesi Jun 2020.

Semoga dengan terbitnya Buletin Landskap berjudul 'Lobuh Cipta', akan dapat mengeratkan hubungan antara pihak kolej dengan komuniti setempat. Meminjam perkataan 'Lobuh' dalam bahasa kaum Bidayuh, Sarawak yang membawa maksud 'Laman' dan 'Cipta' pula terkait dengan hal-hal penciptaan serta kreativiti. Selari dengan Program Landskap yang merangkumi perihal ciptaan kreatif dalam pengolahan pengindahan persekitaran. Ia juga selaras dengan objektif Program Landskap yang disalurkan oleh KKMKG.

Semoga dengan penyaluran ilmu TVET kepada komuniti setempat akan mengalirnya semangat dalam pembangunan pendidikan dan kemahiran bersama.

Ketua Progam Landskap
Pn. Juriati binti Abang Asa



Ketua Pengurusan Akademik : Program Landskap



Pengarah Kolej Komuniti
Nor Dalila binti Abdul
Rahman



Timbalan Pengarah
Akademik
Yvoneaxavera Ak Dady



Ketua Program Landskap
Pn. Juriati binti Abang
Asa

Isi Kandungan

1. Program Pengindahan Kampung Tringgus Bong, Bau, Sarawak.
2. Lawatan Menyantuni Kampung Telok Melano, Sarawak.
3. Program Kerjasama Antara Unit Landskap, KKMKG Dan Politeknik Kuching Sarawak.
4. Program Rekreasi Bersama Pelajar SLP3 Di Suba Buan, Bau, Sarawak.
5. Projek Pembinaan Pergola di Tadika KEMAS, Kampung Kandis Baru, Sarawak.
6. Kursus Simen Fero Di Sekolah Menengah Teknik Sejingkat, Sarawak.
7. Ringkasan Projek Dan Amali Pelajar SLP sesi Jun 2020.

Pensyarah Program Landskap Kolej komuniti Mas Gading



Senarai Editor Majalah Lobuh Cipta, KKMKG Sesi Jun 2020.

1. En. Mohd Faizal Affendy bin Zakaria
2. En. Mohd Saiful Fadli bin Maidin
3. En. Shamsul Johari bin Shaari
4. Pn. Saliza binti Ghazali.
5. Pn. Haslinda binti Jama'in
6. Pn. Rozanah binti Ahmat Eskah

Program Pengindahan Kampung Tringus Bong, Bau, Sarawak.

En. Shamsul Johari bin Shaari

Satu lawatan muhibbah telah dijalankan oleh Program Landskap, Kolej Komuniti Mas Gading (KKMG) ke Kampung Tringus Bong pada 13.08.2020 (khamis) yang bertujuan meninjau suasana perkampungan dan tapak-tapak yang bersesuaian untuk dinaik taraf dibawah program pengindahan kampung tersebut.

Projek pembangunan landskap kawasan ini diketuai oleh Ketua Program Landskap KKMKG, Pn Juriati binti Abang Asa dan ketua penyelarasnya, saudara Azhar bin Yaakob memiliki pengalaman yang sangat luas dalam pembangunan landskap di sekitar Bau, Sarawak.

Diwakili oleh En Koji yang juga merangkap ketua pelancongan Kampung Tringus, menyambut baik kedatangan rombongan pensyarah landskap dan kakitangan kolej. Rombongan KKMKG didedahkan dengan sejarah tempat, persekitaran kawasan setempat dan kawasan-kawasan cadangan untuk dipertingkatkan lagi pengindahan landskapnya. Di samping itu, terdapat juga permintaan daripada pihak sekolah yang berhampiran dengannya untuk projek mempertingkatkan rekaan landskap sekolah mereka di masa akan datang.

Tidak dapat disangkal, perkampungan Tringus Bong terkenal dengan keindahan alam semulajadi yang masih terpelihara. Deruan air sungai yang berbatuannya mampu menggigit para pelancong dari luar untuk berkunjung. Dengan adanya sokongan daripada Program Landskap KKMKG diharap akan dapat membantu komuniti dan persekitaran setempat dari sudut susunan dan perancangan dalam pembangunan landskap persekitarannya.

Tahniah diucapkan kepada KKMKG sebagai pemacu TVET komuniti setempat.



Lawatan Menyantuni Kampung Telok Melano, Sarawak

Haslinda binti Jama'in

Satu lawatan muhibbah telah dilakukan oleh Program Landskap, Kolej Komuniti Mas Gading (KKMG) ke Telok Melano, Sarawak. Program ini merupakan satu program rentetan daripada program promosi Program Sijil Landskap dan Teknologi Maklumat daripada pihak Kolej Komuniti Mas Gading ke Lundu. Selain pensyarah Landskap, ia juga turut dihadiri oleh pegawai penerangan dan promosi, Pn. Izawati binti Eni.

Di dalam program ini, para pensyarah landskap dipertemukan dengan Ketua Kampung Telok Melano. Pembincangan dua hala ini berkisar tentang promosi kolej komuniti, bidang yang ditawarkan oleh pihak kolej. Ia turut membincangkana perancangan pembangunan landskap di Telok Melano pada masa akan datang. Ketua kampung tersebut sentiasa mengalu-alukan apa jua jenis sumbangan berbentuk idea mahupun material yang akan dicadangkan di kawasan pantai Telok Melano.

Tahniah kepada team landskap KKMKG kerana mempunyai daya usaha bersama membangunkan masyarakat sekitar.



Gambar aktiviti-aktiviti sepanjang program menyantuni Kampung Telok Melano, Sarawak.



Saudara Azhar bin Yaakob menyampaikan cenderahati kepada Ketua Kampung Telok Melano, Sarawak

Program kerjasama Antara Unit Landskap, KKMKG dan Politeknik Kuching Sarawak.

Rozanah binti Ahmat Eskah

Selasa, 15.09.2020, satu lawatan rasmi telah dijalankan oleh Unit Landskap, KKMKG ke Politeknik Kuching, Sarawak. Lawatan ini diketuai oleh Ketua Program Landskap KKMKG, Pn. Juriati Abang Asa. Turut serta, beberapa orang pensyarah landskap dan pegawai penerangan KKMKG.

Kunjungan hormat diadakan adalah bagi mengeratkan hubungan dua pihak di samping mendapatkan informasi berkaitan dengan kerja-kerja lapangan Unit Landskap KKMKG yang bakal dilaksanakan pada masa hadapan.

Para pensyarah diberi taklimat oleh En. Mohamad Khairudin selaku Timbalan Pengarah Sokongan Akademik Politeknik Kuching. Di dalam sesi ini juga, para pensyarah dibawa meninjau persekitaran Politeknik Kuching. Juga, dicadangkan tempat-tempat yang bersesuaian untuk dijadikan tapak praktis pelajar-pelajar landskap KKMKG di masa akan datang. Namun begitu, proses berbincangan tapak dan keputusannya akan dilanjutkan pada masa hadapan berikutan dengan kekangan, halangan dan kes Covid19 yang sedang melanda negara sekarang.

Mudah-mudahan dengan program tinjauan ini akan dapat mengeratkan hubungan di antara pihak KKMKG dan juga Politeknik Kuching serta membuka ruang dan peluang perbincangan untuk apa jua jenis projek yang bakal dijalankan pada masa hadapan.



Tn. Hj. Azhar bin Yaakob memberi cenderahari kepada En. Mohamad Khairudin (wakil pihak Politeknik Kuching).



Pn. Juriati binti Abang Asa menerima cenderahari daripada En. Mohamad Khairudin.



Barisan pensyarah KKMKG bergambar kenangan bersama En. Mohamad Khairudin di Bilik Persidangan Politeknik Kuching, Sarawak.

Antara tapak yang dicadangkan: Bersebelahan dengan pintu masuk utama, Politeknik Kuching, Sarawak.

Program Rekreasi Bersama pelajar SLP3 di Suba Buan, Bau.

Saliza binti Ghazali

Satu program riadah bersama pelajar Sijil Landskap semester tiga telah dijalankan di Suba Buan, Bau pada Rabu 21.10.2020. Dikelilingi kawasan hijau dan Sungai Suba Buan yang jernih airnya, menjadi destinasi terbaik. Tempat ini menjadi pilihan yang sesuai untuk menjamu selera di kalangan pelajar.

Tujuan program antara lain adalah bagi mengeratkan hubungan silaturrahim di kalangan pensyarah Unit Landskap dan pelajar semester tiga. Di samping itu, melalui program ini juga secara tidak langsung akan dapat mendekati isu-isu di kalangan pelajar. Perbincangan dua hala secara santai dapat dikemukakan dan diutarakan dengan lebih telus.

Program ini merupakan satu program yang amat baik dan wajar diteruskan pada waktu yang terluang di masa-masa akan datang. Walaupun ianya bersifat riadah, namun ia telah memberi satu motivasi yang besar kepada pelajar landskap.

Tahniah diucapkan kepada semua pelajar dan para pensyarah dari Unit Landskap, KKM.



Para pelajar sedang bertungkus lumus menyiapkan hidangan di tepi Sungai Suba Buan.



Pensyarah memainkan peranan penting dalam memberi didikan secara tidak langsung kepada pelajar. Program seperti ini juga merupakan satu sentuhan motivasi kepada mereka.

Projek Pembinaan Pergola di Tadika KEMAS, Kampung Kandis Baru, Sarawak.

Mohd Faizal Affendy bin Zakaria

Satu projek pembinaan pergola di Tadika KEMAS, Kampung Kandis Baru, Sarawak telah siap dibina oleh pelajar semester 3, Program Sijil Landskap, Kolej Komuniti Mas Gading, Sarawak. Projek pembinaan pergola ini diketuai oleh En. Mohd Faizal Affendy bin Zakaria selaku pensyarah utama.

Projek pembinaan pergola ini dirancang dan dibina mengikut jadual pembelajaran silibus pengajaran dan pembelajaran landskap. Ianya bermula daripada minggu ketiga pembelajaran sehingga minggu ke sembilan (sembilan minggu).

Projek ini dilaksanakan bersama tiga belas orang pelajar dan ianya mencipta pengalaman baharu kepada mereka. Menurut pelajar lagi, mereka diajar tentang semangat kerjasama dan saling membantu sewaktu proses pembinaan pergola ini. Perasaan mengujakan hadir di saat-saat akhir pemasangan di tapak tadika tersebut. Pergola yang dibina ini berkonsepkan 'English Garden' yang bersesuaian dengan penggunaan warna putih.

Semoga dengan pembinaan projek-projek seperti ini di masa hadapan akan mengeratkan hubungan Kolej Komuniti Mas Gading bersama masyarakat setempat.

Tahniah diucapkan kepada KKMKG, yang bertindak sebagai pemacu TVET komuniti setempat.



Para pelajar sijil landskap begitu gembira dengan hasil pembinaan pergola di tadika KEMAS. Pembinaan ini tidak akan berjaya jika tidak ada prinsip saling bantu membantu di kalangan mereka.

Kursus Simen Fero Di Sekolah Menengah Teknik Sejingkat, Sarawak.

Mohd Saiful Fadli bin Maidin

Pada 17 dan 18 Oktober 2020, satu Kursus Simen Fero telah dijalankan di Sekolah Menengah Teknik Sejingkat, Sarawak. Kursus ini merupakan sebahagian kursus yang ditawarkan oleh Kolej Komuniti Mas Gading, Bau, Sarawak. Ia dikendalikan oleh tenaga pengajar yang mahir dan berpengalaman luas dalam bidangnya iaitu En. Mohd Saiful Fadli Maidin dan En. Mohd Faizal Affendy Zakaria.

Kursus pendek yang dijalankan selama dua hari ini, telah dihadiri oleh 16 orang peserta yang terdiri daripada pelajar-pelajar sekolah tersebut. Para peserta dikehendaki bekerjasama bagi menghasilkan dua (2) buah meja berserta lapan (8) buah kerusi simen fero. Di akhir kursus ini, para peserta dapat menghasilkan meja dan kerusi simen fero dengan jayanya. Guru dan penyelia pelajar amat berpuas hati dengan hasil dan semangat yang ditunjukkan dari kalangan pelajar mereka.

Semoga kursus simen fero ini akan terus dilaksanakan oleh pihak Kolej Mas Gading di masa depan dan selagi mempunyai permintaan yang tinggi di kalangan komuniti setempat. Tahniah kepada unit landskap kerana sering dirujuk oleh pihak masyarakat bagi tujuan kursus-kursus seperti ini. Terima kasih juga kepada Pn. Shirley Philip (Ketua Program PSH) yang sentiasa menyokong aktiviti



Kiri. Antara pelajar Sek. Men. Teknik Sejingkat yang tekun menyiapkan kerusi Simen Fero.

Kanan. Gambar-gambar aktiviti proses penyiapan meja dan kerusi simen fero.

Ringkasan Projek Dan Amali Pelajar SLP sesi Jun 2020

Juriati binti Abang Asa

Simen Fero dan Pergola

Projek pembinaan simen fero dan pergola merupakan antara projek akhir bagi semester tiga (3). Projek ini dilaksanakan secara berkumpulan di kalangan para pelajar. Adakalanya merupakan projek secara langsung yang memenuhi permintaan komuniti setempat. Projek akhir pelajar ini diketuai oleh En. Mohd Faizal Affendy bin Zakaria




Nurseri

Merupakan satu kursus asas kepada pengurusan nurseri, kaedah penanaman pokok dengan cara yang betul selain pendidikan tentang proses-proses tumbesaran pokok. Di dalam kursus ini juga pelajar diajar tentang kaedah penjagaan pokok mengikut aturan dan teknik terkini. Subjek ini dilaksanakan pada semester satu (1). Subjek ini diketuai oleh Pn. Juriati binti Abang Asa.



Asas Rekabentuk Landskap

Merupakan satu proses awal atau pengenalan kepada rekaan pelan-pelan landskap untuk semester satu (1). Para pelajar didedahkan dengan ilmu lakaran asas kepada pelan landskap. Subjek Asas Rekabentuk Landskap ini di ketuai oleh En. Shamsul Johari bin Shaari.



Grafik Komunikasi Landskap

Merupakan kursus yang mempelajari ilmu-ilmu tentang grafik yang berhubungkait dengan pelan landskap. Di dalam kursus ini, pelajar diajar dan didedahkan tentang asas lakaran grafik komunikasi seperti teknik-teknik lukisan, lettering, lorekan, warna dan sebagainya. Ia dilaksanakan pada semester satu (1), diketuai oleh Pn. Rozanah binti Ahmat Eskah.



Galeria lobuh Cipta



Galeria lobuh Cipta





1. Program Pengindahan Kampung Tringus Bong, Bau, Sarawak.
2. Lawatan Menyantuni Kampung Telok Melano, Sarawak.
3. Program kerjasama Antara Unit Landskap KKMg dan Politeknik Kuching Sarawak.
4. Program Rekreasi Bersama Pelajar SLP3 di Suba Buan, Bau, Sarawak.
5. Projek Pembinaan Pergola di Tadika KEMAS, Kampung Kandis Baru, Sarawak.
6. Kursus Simen Fero Di Sekolah Menengah Teknik Sejingkat, Sarawak.
7. Ringkasan Projek Dan Amali Pelajar SLP sesi Jun 2020.



Pemandangan di Kampung Tringus Bong, Bau, Sarawak.

Lot 742-750
Of Parent Lot 726
Bau Town District
94000 Bau, Sarawak

Tel: 082-763730
Fax: 082-763731
Email: kkmg@kkmas.edu.my



<https://kkmasgading.mypolycc.edu.my/v1/index.php>